

聖宗名賢五百家播芳大全文粹卷四十二

上啟

赴任 王清仲

龍墀入侍峙八柱擎天之功魚鑰分司鎮五馬渡江
 之地以弓刀之微賤望旄鉞之尊嚴仰通姓名僭陳
 竿牘恭維 某官學尊一代文妙諸公元龜天地之
 機識參奧蹟神鼎社稷之鎮德冠倫魁超然追古人
 風從矣有天下量謀猷入告小奏牘之三千搏俎折
 衝富甲兵之百萬鞠躬事主正色立朝早翊贊於秦
 階用經綸於洪業式是百辟茂庶績之成熙惟茲四

人賴同心而協輔遠奉身而勇退乃與道以階行邃
殿陞華彌章異數大廷孚號寵昇溫言眷此留都實
惟巨屏獨當一面坐控十連虎踞龍蟠地獨上流之
據風飛雷厲威光重望之臨肅然鐵騎之萬屯屹若
金城之百雉茲謀元帥爰付我公分正東郊如周君
陳卧護北門若唐裴度山川改觀草木生輝姑惟閱
禮以敦詩行即經邦而論道高牙大纛雖時煩卧治之
勞袞衣繡裳而四海起公歸之詠仁膺泥紫以賁汗
青某稟性顛蒙賦才庸瑣業本箕裘之紹分惟鉛槧
之親濫竊儒科深愧漸摩之學謬叨尉職素無警邏

之材雖務守於廉隅顧寧逃於瘴曠自甘株守偶及
瓜時執吏役於塵埃之間望台躔於霄漢之上忝為
屬吏大慰平生庶幾思之以圖其終安得食焉而怠
其事念河潤百里海潤千里知均沐於恩波然人有
一天我有二天願永接於仁庇

赴任上政府啟

沈守約

屈指一十五年之去國望天愁絕於覆盆扶親八十
二歲而之官奉檄喜深於折屐既板輿免道途優薄之
患致門牆得階墀步武之登已抵厥官敢布所蓄竊
惟忠孝之不並立蓋以出處之難兩全姓名纔入於

宛轉依回曲盡情
事出人機名中在
措也

公門進退豈由於私已東西南北則惟上之所命死
生患難則見義而必為人誰肯於吾親事乃多違於
素志温嶠絕裾而去母能自安乎周處從戎而辭親
胡寧忍此是以茲事之不易盡觀夫從古而率皆然
讀陟岵行役之詩至今尚且流涕想登臨瞻望之意
何人而不動心故徐庶思老者之見留則委蜀主而
求去王陽念先人之遺體則捨益州而還歸若未能
以義而斷恩則烏能盡忠而違孝顧某今日之所處
猶比昔人而甚難重惟殘生追念疇昔粵自孩童之
始已興慈父之悲惟母伶俜撫己孱懦既不繕農工

商賈之業况又當流離奔竄之餘不堪懸磬之家相
對過駒之罄影爐嗟絕火度幾臘之窮寒釜歎無煙
常終朝而併食時斷髮以給賓客之奉多織履以供
學校之資孜孜撫養之勞切切温飽之飯手和熊膽
俾咀嚼以助勤面付羊裘使樵蘇而力學天憫饑寒
之極君頌廩稍之恩謂一命於仕途可終身而祿養
奈此冥頑質昧夫趨向之方命既歷於人頭因直臨
於老境非無攀躋而分寸不稟上用盡氣力而本處不
離既造化分定而無尤惟鞠養思深而可念惟茲毫
耄之母可謂喜懼之年朝開北堂而眉暫展於萱容

暮歧而瞻屢驚於白照念養體之義則在輸犬馬之
力矧嘗珍羞之日則宜甘旨之供雖五鼎之進未足
為豐奈半菽之求每愛不給蓋以三紀之出仕歷時
非不多而四任之微官所入寧有幾身居蓬華之下
心動蓼莪之思扣地無從仰天以訴豈不念禮經之
訓是豈當從仕之時固宜終隱於山林庶不暫離於
閨闈然介推綿上之田無有而安仁園中之景久荒
要思娛親未免從宦此前以求退為甚易而小已以
不仕為可憂仰荷上恩之洪深得從愚夫之安便已
幸去家之近且叨分職之閑暇日則其孝可修得免

倚門閭之望朝而其夕可至更無負道途虞况尚賒
二載之成瓜而忽戒一朝之行李既畢事親之願敢
忘奉止之心一入修門恍如昨夢再尋故迹始覺
更生仰首樞庭依舊台星之兩雨迴顧槐市仍前樹
子之陰陰已無丹青法令之庭尚認紅腐教倉之處
不謂去家之鶴再隨振羽之鴻雖人喜劉郎之復來
而自笑馮唐之已老念茲流落遠外之既久所謂險
阻艱難之備嘗惟能操心而甚危故知有過而必改
少年習氣既隨烈燭以無餘老去情懷惟履薄冰而
知懼倘既往而不咎當惟新而是圖尚思移忠次期

指方九年

報德恭維。大丞相以建治安為事業，以收人才為規模。既廣博以能容，且甄陶而有序。厥令光明俊偉之傑，已居造化網羅之中。人心既諧，功績乃著。次施洪惠，俯及陳人。將欲令巨細以兼收，故不問舊新而率錄。謂欲責其忠報，必先盡其私。是雖木石之頑，尚猶知感。况在溝瀆之久，豈不懷思。某敢不念休復之良艱，思再來之不易，勉而摩厲，謾而激昂。燕語定新業，已得棲身於厦屋；嚶鳴遷喬木，方將託命於春工。祈望之私，敷宣罔既。

赴任上王帥啟

趙寶文

四岳崇高，念瞻巖而莫遂。一官沈散，望賜履以來歸。名奔走以輶車，實造參於幕府。載循末路，足厭平生。恭維 某官道應泰亨，體包坤厚。問萬事而必理，國有元龜。貫四時而不凋，人知喬木。會精神於自得，持富貴於達尊。聽履上星辰，內聳漢庭之議。望風解印綬，外揚冀部之威。方聖治之計安，宜公歸之圖任。豈翳霖雨，猶聞甘棠。化秀民於諸生，雖有資於常袞。舉明主於三代，終無易於王陽。備聽絲綸，即登廊廟。某少疎翰墨，長困塵埃。想前輩之風流，自憐俗狀。誦名臣之勳業，殆若神人。茲懲傷錦之羞，妄作畫墁之計。

敢期際遇獲在按臨人有一天倍覺悒悒之厚河潤九里坐期枯槁之蘇次紀且窮教條方暇願導和於六氣以來社於百神

赴任上帥座啟

楊廷秀

輟耕作吏乃墮在步兵之廚柱笏拜庭將望見舍人之樣雖文字不盡依劉之悃而仁賢獨無問李之心淒其千載之逢或者片言之合恭維 某官名蓋當世丈高前修一武以趨雲霄蔚其未老孤忠之貫日月凜不可回掌制西垣寓直內閣人皆以為公喜豈以為己榮其所以然有不在是以中興未成為大戚

以生民尚困為深辜令非無人誰有此意置之於湖山之遠了不聞知行之於邊疆之寧是則談笑波靜柳江之沸天開衡嶽之雲不惟蕃宣之勤實繫社稷之衛要之好手屈此外邦曷若還歸於廟堂坐令整頓於宇縣某場屋百戰權輿一官收斂山清苦之身糴兵喧卑之地記醉鄉而避世聊復優哉頌德酒以垂名真成狂者每顧初心而自歎猶幸大賢以為歸必有異之於眼之中未遽隔之於清流之外

赴任上呂帥啟

孫逢年

分玉節以奠南閩威初肅邈璇霄而仰北庭拜非遙

以簿領之甚卑而戎期之甫及在於天幸得以名聞
恭維判府安撫龍圖大卿近日高躋承天華閣建隆
以來二百載家與國以同休申公之後六七傳門有
人而益大嶽瀆鍾其間氣風雲溢乎壯懷就熟路而
駕輕車一瞬已騰於千里遇盤根而別利器萬牛砥
解於崇朝使星卿月之交輝寶訓珍圖之薦蘇直籌邊
外塞鳴履周行迎刃無前既多多而益辨盈科必大
斯表表以增奇帝懷江右之憂民僕雲間之澤謀帥
孰可召公急行德星方向於匡斗旄頭已盡天河雖
洗於兵甲頽尾方喁令修庭戶之間威著節旄之上

湖山千里親若撫其家室臂指十洲寂無詳於風草
第恐賜環之速靡容坐席之温某學則未優志非敢
苟三試而收一第得之晚而僥倖已多二毛而竊半
通取之艱而持循頗謹初縻利祿祇畏簡書雖渠夏
屋之可依而慄慄薄水之是履披雲霧而覩倘蒙少
進於下風載日月而行其敢自欺於暗室誓竭瓶羣
之智恭承制閫之嚴愛日御冬清霜履曉願集四時
之福以均一路之民

赴任上安撫參政啟

劉共父

仰盛德之門牆久竊悒悒之庇分列城之符竹獲依

節制之尊撫辱瑣以知榮顧叨踰而增愧恭維 某
官德格上帝道覺斯民有經緯天地之文足以藻飾
於百度有折衝樽俎之武足以鎮撫於四夷出逢千
載之宸自結九重之眷頃收還於武柄首登用於真
儒革衆弊於一日之中躋萬俗於九天之上功既高
而忌者衆身雖退而道益尊讒說翩翩曾何傷於日
月孤忠挺挺自不改於松筠益隆巖石之瞻久鬱睿
紳之望方聖主興當饒饋之歎而國人後有袞之歸謝
公合起於東山申伯尚分於南服五侯九伯尚專銖
鉞之征一日萬幾即正均衡之任伏念某稟資固陋

賦分羈卑少學壯行妄意事功之自見才疏志短終
無尺寸之可書幸逃曠敗之誅更冒超陞之寵一麾
出守漸非共理之良十國為連喜有庇身之託所偶承
人乏已及戍期即懷綬以之官將叩闔而假道望塵
斂板行趨大府之風削楮濡毫敢貢小夫之牘

赴任上越帥啟

鄭佑甫

一佛出世久慕義於中臺十國為連偶叨榮於大幕
瓜期甫及蔗境漸佳矧逢開府之初敢後沒階之謹
恭馳函尺仰叨閣鈴伏念某鄭圃寒宗吳門晚出無
異行間之馬不能自振於箕裘且殊費下之相豈復

有聲於硯席力探黃卷眼看青燈慕夏侯之問非一
師媿太冲之賦成十稔三年漫尉半隨舉子之忙一
擲成盧嘗冒與賢之寵旋遭飲墨更切焚膏就有道
以正焉必三薰而進見聞某所有賢者輕千里以從
游竭為從事之初謀竊慮居官之寡務况雄藩寄委
多俾碩儒而熒座密依庶聞卒業魯男子善學下惠
敢自信其採守左邱明親見仲尼政未忘於博約誰
知天幸忽播春温輟甘泉之子雲援馮翊於蕭傅千
巖增益交騰載路之驩一介預榮獲遂平生之願恭
維 某官佐王畧妙華國文高早魁三蜀之英游直

繼二蘇之偉望方紙貴洛陽之價已席形宣室之思
車府召來天錫範而初呈温洛石渠辭去風引舟而
倏遠神山屈依劉表於荊州欣訪公羊於山首稍登
輶傳開河南刺史之天連貢囊封為江左興王之地
果峻陞於三院皆親擢於九重豺狼當道安問狐狸
何止金吾之落膽鸞鳳之音必銷烏鵲更蒙天子之
改容未乘一馬之驄俄從屬車之豹五花妙判制盡推
大手之工四禁清班誰並黑頭之貴謂立登於要路
何勇退於急流豈家住蓬萊未遠長安之日故伏辭
閭闔聊快若耶之風疏榮更直於西清布政甫臨於

東粵出當一面諒無黔突之淹入為三公地聽告廷
之命某希^希光府幄^幄屋指家林往承約束之嚴喜有悒
悒之託園林之窮勝事想未遑前輩之宴游幕府而
省文書冀^冀頌^頌涉^涉先生之誨論

赴任上帥座啟

周茂直

結綬登畿舊嘗瞻於簪橐題輿佐郡今復隸於旄麾
永懷上國之游彌切高山之仰恭維 某官羽儀碩
望藩翰閎才氣儲五緯之英華識冠九流之津涉聽
履星長之上嘗坐總於銓衡運籌帷幄之中猶與承
於密旨殫歷治優於天府幹旋計預於地官久殫告

后之猷徒領牧民之寄金陵天塹鍾阜龍蟠守鳳鑰
以居留握麟符而臥護民嬉樂土闢千里之耕桑身
作長城壓萬屯之貌虎仁席絲綸之寵復歸喉舌之
司某久潤風^風狀^狀幸依條教賜屏以彰有德正賴隆庥
持板而拜於庭顧循故事長羸在序庚伏云初靳加
護以鼎羞用仰毗於睿眷

赴任上憲使啟

邵公濟

一官奔走久遠跡於英驪百里撫綏遂託身於德庇
欲紓寸臆宜貢尺牋恭維 某官直諒多聞清虛寡
欲在簿書而擅述作之譽處州縣而懷經濟之心果

膺特達之知薦歷清華之選桑麻蔽日去思深結於南榮囹圄生塵惠政藹聞於西道暫移鄉部即秉鈞衡某山澤癯儒斗筭小器偶携毛義之檄獲宰鄭公之鄉銘刀忽值於盤根固難剗割駑馬親逢於良御尚冀騰驥瞻侍非遙歡愉倍積集和氣浩蕩化日舒長顧益保於天真庶永綏於福履

赴任上憲使啟

鄭登夫

脂車上道跂望門庭欵板後塵行視履親為趨承有日喜畏兼懷恭維某官冠世真儒際天遠職識吐談偉確稟節聳稜持簡抗章鯁亮夙聞於烏府登車攬轡

平反多見於丹書恤欽弼教之祥刑宣布好生之大德必使無訟不犯有司上推堯舜之深仁惟明克允坐享于張之陰德俾熾而昌夫何直指之繡衣行即禁嚴之紫囊素某鯁生何幸鴻庇焉依嘗叨一日之知私切二天之喜依芙蓉蓉而泛綠水晚進何堪披雲霧而覩青天黃緣有素

赴任上憲使啟

高子美

佩符懷綬叨假守於部封欵板拜塵疎親承於條教即上云始戴德惟新稱謝幘幪敢稽竿牘竊以內守外禦周所資者八百國之諸侯訟理政平漢與共者

二千名之良吏故凡聲教之暨畢勤宵旰之憂眷此象臺邈在轄越雖俗瀉而事簡亦土瘠而民貧宰郡之末德賢為急自非集虞公之善曷能興賈父之歌如某者儒業甚迂吏華不肄肆幾年場屋初縛微官累載簿書久尸寸祿惟志及親之養難懷擇地之安驟歷階陞偶承人乏蒞官行法徒知市獄之先循式按程稍覺檢身之易所學若此何幸如之茲蓋伏遇某官衛上以忠服人以德進竭匪躬之節居承濟世之心世信其言至輕千乘之國時程厥效固賢百萬之師迪刑姑總於外臺熙載歸於中禁矧復忘勢以

待士每期推恕以及人才也養其不才故者無失為故遂非據亦得所依某敢不勉力撫循歸心知遇絕行露聽此時之訟揚風廣他日之仁雖戴蘇刺史天非敢私也或為李將軍地庸有賴焉

赴任上漕使啟

周茂直

四戶攝承浸遠長安之日二車叨竊或依刺史之天矧夙仰於聲猷今幸遵於條教未遂趨風之請敢伸詠德之誠恭惟某官博學海涵鉅材山立人仰斗南之譽望家傳江左之風流早歷亨途踐揚劇寄建外臺於一道益高護漕之功結累印於兩司兼懋平反

之績才刃坐空於盤錯思波徧被於荒途茶奉計嚴宸
行上三年之最陞華從素仕膺一札之頒某濫佐偏
州叨承大庇賜屏以彰有德尚繼前人持板而拜於
庭顧循故事長贏在序庚伏云初願加列鼎之羞式
副凝旒之眷其為欣詠曷究敷陳

赴任上漕使啟

龔寶之

雁塔題名濫傳衣鉢熊幡假道曾拜旌麾趨隅方慶
於勤拳解榻即垂於顧遇津津和氣發於眉宇之間
疊疊清風借以笑談之歡俯念棲棲之迹重興惻惻
之嗟諭之於遇合有時勉之以少安毋躁自領聞於

斯語實感激於中心富貴儻來不入清宵之夢寐名
教可樂益遵前輩之典型倘匪饑腸之所驅寧復寒
蹤之在此十方常九潦難期卒歲之豐一髮引千鈞
就脫重淵之厄豈意遭逢之幸迺極廉按之中仰惟
大賢無所不容庶必幾孺子或為可教敢因始至用寫寸誠
恭惟 某官器韻出於塵氛眼力窺於道奧才推王
佐雖伊尹無以加之文挾天庭非崔蔡所能及也振
翼早騰於霄漢垂光獨耀於虹霓譽雖藉藉而遠聞
心每休休而有裕曳杖歌商頌妙旨自契於言端柱
笏看西山爽氣盡歸於胸次風彩夙著朝論姓名自

結於主知欲持荷囊囊以列從班先握蘭香而居首戶
推此重湖之險每貽當亡之憂爰借真賢亟分重任
一麾出守崇蔭之蔽芾未移六轡循行原隰之光華
已遠勢足搖於喬嶽節尤厲於冰霜劉晏高懷雖洞
明於取予范滂雅志深有慨於澄清既然善最之登
聞宜有嘉猷之人告紫泥溫厚仁寧寧召杜之來碧落
從容行踐禁途之密伏念某性惟語下才不及中早
緣閥閱之恩得繼箕裘之紹紹書馬粗知五尾頗明謹
饗饗之方食蟹莫辨二螯殊乏疏通之識三登名於禮
部一官冠選於銓曹駸駸兩紀之歲華汨汨六年之吏

役初期凌厲鶯遷木於高飛豈謂遭迴魚緣竿而莫
上折腰自歎顧影誰憐偶塵泮水之除喜有英才之
育捨六經濟者莫矣當令飽仁義不願膏梁招諸生
立而誨之或可變瀟湘令為洙泗雖誠心之有在非
名德以疇依墜履遺簪倘或憐於舊物殘膏賸馥深
有望於恩私俯首知歸摠詞莫盡

赴任上漕使啟

楊公亮

皇華在道久聞范轡之澄清冗局備員將託蘇天之
庇覆黃緣有自榮幸居多輒緘骹骹之文仰叙依歸
之悻恭惟都運大中殿撰氣有所養而剛大學無不

通而高明若麟鳳之儀儀師師出為世瑞如雷霆之
砢砢隱隱振發英聲自結知於聖明即薦膺於委寄
 山陽假守人尚愛於崇隱陰淮右乘輅錢果流於地上
 旋陞華於秘殿爰易任於輜車矧江東水陸之衝實行
 闕股肱之地軍需仰給調護邦儲尤賴於轉輸惟心
 計大過於人故課最無出其右一曰食而二曰貨已
 稱低昂于斯倉而萬斯箱悉臻朽腐雖劉晏深明於
 取予而弱翁已結於眷知諒應宣室之思行慶甘泉
 之對某江湖寸梗秦華微塵早以先君之賞延濫齒
 明時之仕版馳驅一尉荏苒三年繼即丁於家難報遂

屏居於山谷屬者再叅於銓部偶叨賤職於使臺敢
 云參蓮幕之賓遊所幸得君子之承事雖才能之無
 取知卵翼之可期揣己奚堪捫心增愧居有司出納
 之吝誓當竭於忠勤惟大臣教載之仁顧不遺於微
 賤秋陽在候暑氣方驕願精五鼎之調式副九重之
 眷胸懷所蘊筆舌難窮

赴任上漕使啟

孫逢年

岷峩之下有洙泗久欣慕於龍門牛斗之間借璧奎
 今敬承教於虎節不腆簿書之職無因名姓之通天借
 幸於及瓜地可階而進牘恭惟都運殿撰舍人德卓

以世才全以天父子繼三蘇公以文章而擅四海兒
童誦今司馬約史記而成一家細金匱石室之藏補竹
簡漆書之缺和其聲鳴國家之盛偏之何愧於詩書
養其氣塞天地之間晏然不採於藜藜頗倦神明之直
少紆原隰之華風檣萬航之輸若流行於枕席湖山
千里之遠如安撫其家室足國之外無窮民學古之
中有美政見大儒和調之手姑小試於設施執有司
斂散之權可擴充於均節上既識尚書之履內方讀
相如之文不日遄歸承天作輔某有志殊淺無能可
稱涉獵書林安知朝滿夕除之慮牽連仕版始為仰

事俯齋之謀方將沐霜露於蒹葭其或蒸糞壤為芝
菌試吏之初百不習深祇畏於簡書隨羣之後一無
長願謹持於繩墨敢布躬先之問亟脩事上之儀由
此而階冀顧盼於菲葑之采自今以始光華於枳棘
之棲愛日御冬清霜履曉願恪歲寒之護以雁夜半之
招

赴任與同官漕使啟

游十閩之原隰嘗接後塵領二浙之將輪復聯高步
雖自慚於非據亦私喜於得朋伏惟運使寺丞光韻
遠清神標凝特毫端扛百斛之鼎胸次容萬頃之陂

自歸漕於日畿屢進敷於天陸蘇臺密邇比肩刺史
之真符禁苑邃深即第從臣之喜頌某規模甚狹局
韻尤拘抱愚守迷與時俱異投閑置散乃分所宜誤
膺細柅之十行易典長安之三輔益資餘潤遂竊玷
於光華更賴成規庶稍逃於瘴曠

赴任與漕使啟

陳仲思

守拙杜門久卧桐孫之國叨恩佐郡竭來荔子之鄉
仰由推輓之私更託忻懽之庇恭惟 某官道窮閭
域文富波瀾持身凜剛毅之風接士見溫恭之色早
冠天庭之地第獨深宸宸之知旋駕說於杏壇符參籌

於槐府清聲藹藹要路駸駸獨當艱棘之時出領轉
輸之寄蓋六龍駐蹕地益重於全閩而四牡觀風思
獨榮於故里俯憐疎賤曲賜吹噓某敢不益勵操脩
恪勤職守匪說干時之譽庶逃竊祿之譏

赴任上運判啟

張即仁

仰八使於外臺久勤引領効一官於下邑將遂庇身
敢忘黃綬之卑仰具繡衣之問恭惟 某官粹資玉
峙雅量淵停讀八索九邱之書富三五四代之學早
蜚聲於朝序至造足於華塗繁要踐更英猷踔發暫領
木牛之運位歸金馬之珎惟江左之奧區乃日畿之

掛枝詩

近服舳艫銜尾月富於天都流忘益歸歲行於民版
諒亦假途於此豈容坐席之溫倚俟詔條入陪國論
某風埃俗子繩菟寒生偶玷官聯獲備尉職顧巡察
警偷之任敢不究心冀寬宏逮下之仁少容駐迹瞻
馳之劇名述奚殫

赴任上倉使啟

趙德莊

高名映世早思重趼之趨羈患隨人晚託後車之役
一行問道三沐彈冠俯志願以載欣仰威嚴而若厲
恭惟 某官受才魁偉履道清醇稽古立言追兩京
而無愧許身經世羞五伯而不稱當化神之廊新與

英流而彙進啟嘉猷於素蘊寤聖意於立談志大氣
剛卓犖治安之表任重道遠雍容進退之間疇茲瑞
節之行式是遠人之寵哀烏雅志望共占使者之星衣
繡星章咸知御史之雨明詔既頒於寬太餘功坐致
於富強實教瘡於九年胡為罪歲翰海山於三倍於
以裕民仁歌還歸之詩入侍清閒之蒸某散材天拙
孤學日愚雁鶩駢肩久成俗吏星霜滿鬢可謂陳人
不勝剗劇之憂妄意擇安之計孰為推挽乃備馳驅
條教清通無控惚簿書之患賓僚左右有優游道德
之聞坐惟流留落之餘獲此遭逢之異息肩有漸何殊

掛卷九

畏影之就陰攘臂罔功徒愧畫墁之食志掃門伊邇
懷刺惕然

赴任上監史啟

李西美

都畿近甸司隸要權蘭德芬芳願趨風之已久蓬心
激切快披霧以何多喜溢乎情望踰於分伏念某天
姿蹇淺世系卑微壁水波深早失化龍之便蘭宮風
暖謾嗟垂翅而歸幾將築室以反耕亦欲枕流漱石
再念清時之難偶未甘末路之無成誓已決於焚舟
功俄收於拔幟一第於今四年暫縮青絲猥分
綵採捧政竊嗟於匏繫迺報及於瓜期遂使萍蹤迨依

雲庇恭維 某官天姿英特地胄高華武庫則矛戟
森然隱如敵國文房則禮樂盡在世不乏人全至潔
以在躬懋誠純而與物九重講聞於高誼四方咸仰
於下風早膺天辰之知薦領使華之寄輜軒雅望延
閣華資揭察吏之六條頌宣風於一道矧夙昔吳中
之都會實今茲轂下之通津水陸之交舟車所至姑
試蕭何之饋餉式資管仲之魚鹽國計已充民用不
贖宜士心之所屬亦物議之攸歸况復尺五之天復
值歲千之運乃聖賢際遇之旦豈才德淹留之辰仁
觀峻陟顯寘近侍某叨居縣掾虔奉教條賀庇護以

云初借使令而敢後是用操持士檢佩服官箴百不
如人第守冰霜之節一行作吏願殫犬馬之勞

赴任上監例啟

方雲翼

思叨屬吏名玷冗員揣分無能撫躬增愧竊以周家
制祿列下士於諸侯唐室建官置參軍於督府任小
而責重位卑而事繁詳千乘兵民之會浩繁一方簿書
之期會凡屬郡政悉分曹掾宜得流名采膺妙選如
某者受材擣散賦性冥頑粗習藝文稍閑德義斯未
能信敢晞五府之交書仕有為貧試思一官而効智
濫預省闈之優擢更居名邦之下僚曾微三語之工

亦在六司之列初安吏局漸抗塵容無判事之能稱
竊庇身之幸會此蓋伏遇 某官惠和育德豈弟處
躬厚性足以鎮浮宏才優於剽劇風旨竦屬城之觀
聽教條綏庶俗於休寧寬裕存心平均待物致茲愚
陋獲託保全倦翼投林願借一枝之蔭駕駘驂乘勉
思十駕之功某敢不勉庶鈍為廉圖難於易少逃官謗上
答仁私

辛未十一月十二日依明鈔本校

聖宗名賢五百家播芳大全文粹卷四十二

聖宗名賢五百家播芳大全文粹卷四十三

上啟

赴任上知宗啟

趙德莊

支封悠緬莫修子姓之恭官牒推遷乃邇宗藩之重
指牛車而夙駕仰星鉞以載競豈知它人適有天幸
恭惟 某官生知忠孝氣稟神明屬近且尊劉向嘗
參於國論才高而敏陳思獨擅於文盟蚤見器於內
朝久服勤於周衛簡素靡論於餘習燕安不見於情
容乃眷老成用都屬藉珣戈十乘爰開督府之雄磐
石四維式視陪京之舊粵自表儀之正益知信厚之

敦猗蘭增奕葉之芳若木擁十枝之秀戚疏並建大
賢方倚於宗師福祿同休公子盍歸於魏闕某學雖
為善智不亢身溜落殊鄉早負凌五噫之氣低回豆棧
晚漸千里之駒敢持綿蕞之微自綴洪柯之末惟茲
遇合實厭平生三族具依竊願霑於河潤諸姬未遠
猶思誦於崇華嗣歲且興清闕闕有相益戒襟靈之御
以迎戩穀之餘

赴任與總領啟

熊子復

一麾護塞愧薦玷於明恩九列總儲幸密聯於清庀
望崇墉而結想馳竿續以控忱伏念某學術淺膚才

資底低滯猥誤明廷之選濫陪省府之僚奉聘幣於遐
荒僅能復命乘漕輶於奧甸方竊究心每懷汰斥之
虞豈意褒遷之渥要藩任劇猥當節制之嚴延閣班
清更直寶儲之邃載惟僥冒實自維持此蓋伏遇
某官卓識際空英姿邁往搗辭韶潤自老成之波瀾
濟務疏通皆儒雅之緣飾早膺妙簡徧歷華塗領餉
近畿未究經綸之蘊告猷中宸即膺宥密之除某既
荷噓枯敢忘磨鈍折衝而布方略雖乏帥材撫俗而
推教條尚圖吏績臨歲殊鬱履望猶賒

赴任上總領啟

仰卿月於外臺久勤引領忝仙曹於下邑將遂拜塵
輒忘趨走之卑仰具起居之間恭惟 某官星奎儲
秀嶽鎮炳靈文章差班馬之肩術業造軒雄之奧早
翱翔於省寺暫出御於輜軒地已見於錢流物無煩
於鞭討諒亦假塗於此豈容坐席之溫即俟詔除入
參禁從某風埃俗子詩禮後塵偶玷官聯濫叨尉職
披雲天而伊邇瞻榮戟以增勞企詠之深名言莫究

赴任上市船啟

晁之美

瞻仰維勤願趨風之已久攀依何幸快披霧之有因
喜溢情端望踰意表伏念某質顛性窳才散慮疎初
無學業之功偶中功名之會叨塵乙第待次四年適
當筮仕之初遂獲依仁之便恭惟 某官高才拔萃
盛德邁倫應時而生系周恪神明之後間氣所孕迹
漢朝社稷之臣暫領使權貳司寶貨確純誠而與物
厲清節以臨人屬吏聳威商_胡懷德况海不揚波之
日當物無二價之時人異俗而化齊言不通而心喻
舟來如島貨積猶山寶物議之攸歸亦人心之所屬
行當納用以副輿情某職典賦曹居參縣掾近臨宇
下何幸庇身進謁階前將諧望履願趨承之有自爰
約束以云初某敢不欽服官箴恪持士檢厲愚自勉

濟拙以勤燕雀雖微切有期於庇賴犬馬之力覲有
當以驅馳

赴任上參議啟

宋文淵

踰政門牆每極瞻馳之意往官幕府獲依芘冒之仁
內顧辱微竊深喜幸恭惟參議提舉人流超妙學業
深純典型自得於老成儒雅克施於吏事任更中外
益聞治行之優勤累歲時未究真材之用尚茲左宦
曷慰羣情宜有詔除以稱譽處某宦遊拓落舉錯迂
愚獨以困於食貧未免從於祿養不斷閒關之役令
茲挈負而行他日從容僮侍笑談之燕此心冀望得

親教誨之私奉以周旋庶無罪悔寒臘欲盡陽春方
興靳益厚於保綏用垂副於頌禱

赴任上總領啟

未窺巖電聳聞竇大以聲宏竊望軺星更仰芒寒而
色正豈意墊巾之冑叨陪入幕之賓將幸覓趨預增
辭躍伏以司軍餉之儲者分重權於外寄踐使華之
選者兼異數於中朝阜錢穀於江淮之間壯威稜於
邊疆之外必能裨贊於遠畧乃可趨承於下風如某
者連蹇數奇迂疎寡與忝在細侯之末裔愧無有道
之餘芳幸由簪履之遺終齒縉紳之列雖入仕固已

越十年之久然在官未能施一日之長偶膺巖廟之
誤思獲玷輜軒之屬吏重慚么麼曷稱使令茲蓋伏
遇奉使總領郎中天昇英姿世基厚德識照幾微而
行之以恕學覃壺奧而炳之以文贊祥刑於天下之
平早擅皋蘇之譽課治行於吳中之守更復召杜之
稱宜入踐於郎曹仍出將於使指伫加眷注旋被褒
陟尚容熟究於規摹行即親承於要束某方依玉節
遽迫瓜期佐蕭何給餽之功固難精於會計摹劉晏
揮鞭之算或少効於涓埃頌詠徒深敷宣罔既

赴任上太守啟

孫賓老

電旌天遠久馳胡粵地之心蓮幕雲開敢駐泥塗之迹
眷惟都會謹簡官能何自庸虛與陪參佐恭惟 某
官器藏經濟道體中和出履泰亨之衢早攄高妙之
策英飛漢省動列宿之寒芒化浹周圻流洪河之靈
潤相時閩部實首建安屈臨雖鬱於壯圖坐鎮聿光
於遠俗毫兕相慶撫榆本之既成廊廟所需頌恐崇蔭
之徒在某才殊無似志苟好修不量固陋之資將芘
優容之德倚王儉之重蓮依水以甚榮事南陽之賢
魚泳川而何幸方脂轄以問道即振衣而造庭欽厥
有司尚或裨於毫髮及於寬政祈少蓋於瑕疵頌詠

掛卷之三

深彌深占言莫既

赴任上太守啟

李仁甫

絃歌分教誤領袖於諸生庠序主盟託帡幪於大府
以渺焉一介之賤有巍乎二天之臨在於進趨豈不
奮躍恭惟 某官漢富平之懋烈唐曲江之遠猷窮
聖域之淵源誰其正派問相門之衣鉢此有明謀奮
遠業於一飛之初騰偉問於羣公之右愷悌之政多
出詩書精明之才不欺銖兩乃春初潛之邸再分共
理之符袴襦一陶簫勺羣慝方劍已束何用此司空
城旦之書波瀾不驚安行乎青草洞庭之野嘯咏豐

豫壺觴從容翰墨之功賴以品題湖山之勝借之彈
壓兵衛森戟端赫滅燕寢凝清香之歡川原開花不
妨賦遠近蒸紅霞之句顧此行樂初非厲民即有益
州宣布之詩用薦乙夜清明之覽某器不遠到學非
夙成賦蘭臺之風儻難追於筆陣曝茅簷之日倦欲
老於牆陰雅諧諧昌黎藜藿鹽之窮安得元龍湖海之氣
幸託簿書之冗將尋文字之盟厚德不孤病身有倚
記坐間之小異雖莫之先與門下之旁求則由此始
敢攄悃幅敬瀆高明霜辰晏溫歲序窮既晚諒有神
明之默介不待吐納而致和

赴任上太守啟

王德立

望台躔於霄漢祇切依歸執吏役於塵埃深悚慄慄
慄道瀆尊之譴敢忘修贄之工敬布尺書仰通大席
恭惟 某官諧參元妙名冠倫魁介謙冲於一日
之長子陽高抗於萬世之策靈懷了徹昭乎日月不
足為明勁氣橫流沛然江湖莫之能禦值千載君臣
之會見二難兄弟之間玉燭揚明賴居中之變理金
城設險倚重外以蕃宣爰分割竹之符姑燕凝香之
寢尚冀京師之蒙福宜專方面以分封肅道引之雙
旌興歌謠之五袴暨紆丈二之組而臨名郡即被尺

一之詔而還近班擢南國之龔黃為西清之頗牧丹
墀青瑣賸馳夢集之文章紫誥白麻旋備荷囊之顧
問某質顛性窳才散慮疎分隨太史牛馬走之塵濫
登正元龍虎榜之列叨塵仕版初試尉曹敬仰鈞衡
未足備兒童識君實之數恭承條教適快觀朝廷用
弱翁之時喜觀大丞相之家復見賢刺史之職願託
併懽於廣廈妄希甄冶於洪陶安知今日之趨承不
為異時之際遇望潭潭之府行遂掃門瞻兩兩之階
益勤引領

赴任與鄰守啟

張安國

諸父納交昔叨宗契近藩假守今託善鄰將敬掣於
齋鈴敢精馳於書牘恭惟 某官名高盤錯譽滿縉
紳諫大夫薦之公朝太上皇擢於名郡第循良之最
獨為三輔之光輸獻替之忠即參兩禁之密某已無
善狀更荷寵恩望廬山之雲既闕晨昏之養飲吳江
之水敢為旬月之圖欣近接於封圻將悉模於教條
僕之所願如此公其勿愛於言

赴任與鄰守啟

耿元鼎

求閒上印特承白髮之親闈冒寵移居更畀黃閣之
輔郡顧叨逾之云甚荷推假之居多恭惟判府直閣

少卿文邁先秦之書筆追二王之法猶是貞元之朝
士合作甘泉之從臣金雀上棲何久違於雙闕銅魚
在佩第連牧於五城比聞苔雪之美謠行趣宣溫之
嚴覬盍歸一老可歎靈光之巋然同升諸公其在穎
川之長者某曼違台範濫守士鄉避堂而舍蓋公莫
展事賢之禮載酒而過揚子徒知通德之居曾貢記
之未皇忽飛緘之先辱維深愧感莫罄敷陳

赴任上太守啟

王周士

名題雁塔歎半生骨相之屯職忝鸞棲幸小邑簿書
之簡方茲筮仕偶獲依仁竊以智効一官雖君子不

求其備年踰四十在聖門幾至無聞矧當真人再造
之朝允謂炎厯重開之日朱幡皂蓋簡求師帥之賢
墨綬銅章妙極子男之選雖糜簿領米鹽之苛碎敢
忘教條詔令之頒宣顧非俊髦必蹈瘵曠伏念某學
術甚淺家聲最微筆以代耕仕而為養風標月牖久
諳太學之藎鹽金箭銅壺慣聽帝城之鐘鼓嶽寄可
笑險阻備嘗人譏畫虎之未成自歎屠龍之甚拙粉
闈試藝幾及十上之勞挂籍收名僅借一家第之末蹉
跎壯齒蹭蹬窮途心耿耿以尚存髮星星其如此麤
頭鼠目自知進退之難鳳翼龍麟偶有攀援之便雖

殫悃幅奚罄依歸恭惟判府學士識洞安危學該理
亂譽擅庭蘭之秀器標廟璉之珍中外踐揚事功煊
赫摘山煮海已彰富國之勳剖竹分符益著宜民之
政夷惠之清和格物肩哀之畏愛在人衆欽廣漢之
吏師士仰伯循之儒學首鎮一圻之地潛回萬井之
春田間無復於佩牛江外但聞於度虎位聽鋒車之
召即調金鼎之元敗鼓奚堪願入醫師之籠散檇無
用終勞匠石之斤雖僥倖於異時本寅緣於此日祈
寒在候冬律向深伏惟上為廟朝倍綏福履企屏墉
而尚阻罄精魄以交馳

赴任上太守啟

久仰龍章未踵登門之客分肯豹隱遽陪入幕之賓
自慚陋巷之孤蹤曷稱雄藩之佐吏况邈安之近服
實新定之名邦建節旄者分出使之華居廉鎮者重
觀風之任豈謂庸疏之質猥叨任使之聯揣己奚堪
逢長有幸恭惟判府舍人氣涵剛大道稟粹精望高
廊廟之珍才挺甌閩之秀揚禮本大哉之問紹家學
於孔門擅儒林卓爾之稱傳世休於漢室方躡亨衢
之始共推遠業之優較藝禮闈早冠南宮之多士搗
文詞禁晚陪西掖之清班暫均逸於殊庭遂復臨於

舊境雖寵光再加於丈二之組然時論同歸於尺五
之天允為公輔之儲即被鈞樞之選某門風謏簿仕
途迤邐效能無襪線之長遇事有鈇刀之割幸瓜期
之已迫望崇舍以非遙矯首駟車預彈冠而爵躍歸
心鈴閣將欵板以冕趨慰抃徒深敷宣罔既

赴任上太守啟

林豈塵

風塵奔競恥為媚世之容藻鑑流連誤作掌籥之請
將有事指呼之役輒先修咫尺之儀嘗謂古人仕宦
之風流初無俗吏趨走之况味單父之堂鳴琴而不
下山陰之門垂簾而自閒艷藻春搗賦詩桃李之下

清襟泉潔讀書松竹之間王夷甫之終日清談夏侯
湛之累年多暇蓋吾儒緣飾之有術何後世標榜之
無人某也窮與吏之愚者始辭捶楚聊歎絃歌雖前
輩不可挹其風騰在今日焉肯隨其波浪陽鱈也鮒
魚也固聞釣法之不同爾絲乎保障乎亦知戶數之
可損如其敲扑之喧囂謀訟之倥偬與夫文墨之紛
散簿領之沉迷若常冉冉役夫思慮之中必欲每每
決於耳目之際此一異此二異此三異又安得政迹
之可觀不能欺不忍欺不敢欺曾未識賢才之有別
儻公事癡為可了然人情老有不堪苟折腰向小兒

而羞或低頭負野人之愧上下既難於俯仰去就曷
權其重輕身局促以何依足趨趨而未進誰為道地
自有恩家茲蓋伏遇判府郎中道安深以逢其原氣
剛大而養以直青天白日景星北斗以昭乎譽融風
彩露慶雲光霽以舒乎文雍容謁帝之初醞藉為郎
之久南來而爛五馬莫榮乎佩二千石之印章登庸
而萃一門行見其傳六十年之衣鉢想佩刀而自成
氣象顧冠劍而待拂塵埃惟富貴必無相忘則貧賤
在所不棄某成瓜可往行李有期請通謁者爵里之
書當從鈴下威儀之後大而千里小而百里當益修

屬吏之恭人有一天我有二天豈無望私恩之意預
為欣躍曷罄敷宣

赴任與太守啟

鄭顧道

恭承朝命來貳郡符當大賢懷紱之初屬賤子彈冠
之日叨恩有自託庇維新恭惟 某官操履端修器
資閎達有慷慨憂時之志抱縱橫應變之才早拜寵
於楓宸仍踐更於棘寺釋之持議可重振於家聲由
也以言實兼資於儒雅猷為藹著委任彌隆一麾植
荔支之邦千里被棠陰之化當國步多艱之日乃英
雄入用之秋輿議所歸咸跂鳳書之召邦人相慶暫

私熊軾之留某仰德徒深依仁有幸仰睇崇墉之近
俯勤單轂之馳飛緘誠輒見於手書展禮將期於面覲

赴任與鄰守啟

史唐英

入覲中宸俄分外閫豈意專城之重任獲依鄰壤之
餘光懷紱云初非才為愧伏維 某官圭璋國器杞
梓卿材文章班馬之流德行淵騫之亞居多踐歷茂
著猷為粵由德履之優深結聖神之眷繡衣出使屢
膺臨遣之華皂蓋行春復付蕃宣之重用寬乃顧允
賴英賢矧擊柝聞邾喜洽聲之旁達而餘波及晉霑
德化之橫流行被褒嘉入登禁從某總戎湖外出守

鄰封欣聯事以相從幸伐柯之不遠徒守簡書之畏
聊馳翰墨之私頌詠之深敷宣罔既

赴任上太守啟代

胡仁仲

師幕備員初煩造化憲臺移命端托併蒙榮已踰於
望涯感良見於情表伏念某性雖自古愚不知全疎
若賈生後有抗高之論陋同蔡澤自甘不相之資勉
承教於父兄浪留心於筆硯一經較藝慚無黃絹好
辭再世登科喜得青氈舊物才叨仕徑例抗塵容既
流落於江湖復消磨於歲月四年試吏敢辭筦庫之
勞萬里朝天謾有封章之獻何期上宰賤念寒士生

陳情力巧於便親從容得諧於佐幕無功叨祿撫已
懷慚比因易闕而請行豈謂被旨而報可本難期於
成事實有過於初心此蓋伏遇 某官道廣能容德
厚兼載愛獎每加於善類收憐不到於小心夫何庸
虛有此幸會某敢不冰霜潔志鐵石持心雖不能裨
堂上之奇願敢効幕中之辨庶殫素守少答鴻私

赴任與太史啟

王弱翁

原隰載馳認故國扮榆之境門牆數仞記昔年桃李
之陰矧績已著於大藩而望特隆於舊弼孤蹤有幸
餘芘是依恭惟判府參政大資毓粹昭回儲精峻極

學關百聖豈特厠軒雄之間道契兩朝蓋親見唐虞之際早推碩望進翊繁機茲起鎮於名邦仍通班於禁殿清香畫戟暫顯屏翰之權赤寫繡裳正鈞衡之任某初懷有負久試無裨引弟子而起朝儀禮樂既師於先進質父老而宣使指風俗稍諳於故鄉尚祈警誨之承庶免曠瘼之戾

赴任上李守佐司啟

何子建

仰高山之景行莫晞大府之光茫廣廈以歡顏遽出附庸之列指樂郊而問道懷漫刺以待辰所親懼夫不任有識聞而知免恭惟 某官行為物表學探道

真中立無朋儼若正臣之體深藏不伐渾然君子之容樂憂一出於為民獻替同歸於利國中臺建轄實參政事之原千騎專城蔚為風化之首事業獨高於先進聲名晚見於後凋惟時清明罔間內外乃借楚人之重暫持漢詔之溫播以德音虛惠文而不用緣之儒術察章甫以惟新甘棠流憩以及陰秀麥連歧而効社逮五月而報政信期 旃之化遞增秩賜金雖曰循良之典濟川作醴盍為經緯之圖某 俳優才疎領簿宦遊不遂徒久客於諸侯骨相多屯寢自窮於昭代敢厚誣而徽祿輒自說以治民眷茲傷錦

之憂惕有飲冰之患然而遭罹世故三為江介之遊
出入里居屢閱土風之變使之推廣二千石之美意
毋失三百戶之常心因其好惡而罷行守以儉勤而
取予行其少學雖莫逮於絃歌奉我寬條尚不專於
刀筆春陽燠沐兵衛靖嚴願綏六氣之和以介百禱
之祉

赴任上太守啟

朱子淵

仰函丈以趨風久願參於御者遵樂郊而問禁方有
請於侯人雖漫仕之崎嶇亦窮途之遇合敢徵芘賴
自列姓名恭惟 某官間氣清明英猷宏遠孔門高
弟獨推叔度之風漢代名臣無易太公之政早策勳
於俊域寢飛譽於周行當法官親事之時膺大邦維
翰之寄德音四布如臨魏闕之光風化一新坐變閩
山之俗佗聆暮召入告長猷某拙與命謀學無師授
買山退處歸失故鄉結綬拜趨習成俗吏寸技靡聞
於成事一官甘意於隨人乃眷名城獲陪末掾紅蓮
綠水老人賓客之賢畫戟清香夢想風流之勝窮陰
凜若坐嘯裕然願宣六氣之和以介百神之祉

赴任經由與袁守啟

高子美

願識荊州未登門而披霧得官挂領將假道以趨風

豫謹書郵仰承記室時屈朱明之盛物迎長養之宜
惟豈弟以臨民有吉祥之來舍恭惟 某官道德耆
舊文章宗師射策楓宸掃千軍而獨立占名桂籍間
二人而特優屬資帷幄之謀擢贊樞機之地朝廷荷
以為重天下想見其風暫分漢室之憂條網並布遠
繼韓公之治聲望相輝矧以優游恬淡之心更廣潔
淨精微之教士歌於學即因入國而可知賓至如歸
亦聽出途之皆欲會膺急詔歸陟近珥某乾坤腐儒
造化遺物文場角逐僥冒一時之功名仕途路奔馳汨
沒十年之塵土志方求於將母恩遂畀以長民雖知

三月之聚輝尚在百金舍之重趼夫何幸會獲出治封
過見國僑期得如舊識者入覲鄭國非圖少加禮焉
佗所傾心尚容拜面

赴任上通判啟

林豈塵

奔走而在風塵徒為俯仰拔擢而宰山澗初乏名將
將受命於簡書敢抒懷於竿牘竊以仕宦因時而為
隱顯爵祿在人而有重輕稚川仙才也為丹砂而求
勾滿之行淵明達士也恥斗粟而為彭澤之去周顒
應鶴書而起北山未免於移文王喬化鳧而飛太
史徒見於侯影雖未超乎塵俗之外亦終歸於吏隱

之中某易智反愚背巧益拙嘗觀古今出處之義益知今日進退之難桑梓相鄰願負百里之米松菊未種欲為三徑之資每自甘名位之卑懼或遭官長之罵由天而幸為地者誰茲蓋伏遇某官學博而志宏材全而能鉅金百鍊而淬其利玉三獻而寶其珍功名必致以自期富貴鼎來而未艾以刺史之任姑居其半而君子之道未究所行贈佩刀不許其辭美矣有公輔之量酌杯水將為之饒清哉得父老之心鋒車已見於趨還別乘豈容於俟駕某捧檄而喜辨志以行烏鵲之飛必有所依牛馬之走自忘其賤高

天澄澈當為雲霧之披夏屋帡幪可知風雨之託於
悰所冀翰墨難宣

赴任上通判啟

葛大受

慕德搖旌久仰仲尼之日月効官斂板行披樂廣之
雲天將遂鳧趨預深燕賀願惟簿領佐乃民官雖尾
羣僚實實關百里素號糾稽之職尤為管轄之司敏速
有聲當得李奮之一閔清華假道宜追徐浩之三遷
倘非鴻漸之資曷稱鳳栖之地伏念某簡編舊書場
屋陳人駑力一官強顏寸祿花磚紅藥起家已負於
初心槐版綠袍報國尚期於晚節夫何際會獲在按

臨恭惟 某官學貫天人識淹今古縉紳儀矩文行
宗師普煩公輔之才榮貳侯藩之政甘棠陰裏聊題
仲舉之輿丹鳳池邊行作傅巖之雨某備員奔走獲
聽指呼寒垓正賴於封培頑鑛尚勞於鑄刻願同黎
庶被千里之仁風尚冀鷦鷯穩一巢於德宇

赴任與通判啟

馬子才

叨奉宸恩獲承郡寄湖山千里慚非共理之良民社
一邦乃結同僚之契尚俟瓜時之報遽先雲體之瞻
伏惟 某官上智稟資中庸為德學既優於膺仕實
亦茂於蜚聲旋膺出綍之榮更侈題輿之寵某猥繇
使令濫預分符方虞浮食之饑敢意餘光之託伏維
欣幸曷既敷宣

赴任上通判啟

吳仲權

抗塵走俗邈無望履之階披霧覩天徒積執鞭之願
惟貴賤自殊於霄壤故姓名莫徹於門牆豈謂誤恩
榮叨屬吏方頃依於盛德宜修布於尺書庶幾視聽
之嚴或以忱恂而達恭惟 某官風度凝遠德宇粹
和言可法而行可觀勇於義而果於德早陞臚仕綽
有令猷吏事詳明卓爾兩京之循吏文章爾雅炳然
三代之醇風爨膺上聖之知榮貳大藩之政雍容郡

國聊專半刺之權密勿教條即奉十行之詔別膺俊
擢式究壯圖某性既素昏才惟孳散早脫巾而筮仕
因斂板以趨時素乏長身豈有鵷鴻之望歸無二項
未忘鼠雀之求比赴調於上京濫孚民於下邑顧才
疎而智淺當任重而責深豈知竊祿之方適隸福星
之照依歸有地欣託庇之匪遙慰喜無涯但愬風而
自慶清商初戒大火漸流仰冀順時倍加調護

赴任上通判啟

王致君

彈冠而仕仰瞻別駕之屏星斂板而趨遽轡公堂之
宿霧天其與幸人以為榮敬奉尺書致恭丈席恭惟

某官英標岳峙雅量淵渟文健雅而雄深德輝光
而篤實才非自耀粹然三代之風政不出奇坦若六
經之旨薦試割雞之手稔蜚馴雉之聲考功亟奏於
楓宸錫命旋飛於檢煌煌泥軾用彰賢德之臨奕
奕佩刀已有公輔之望山川改觀風月平分行進席
於龍光豈久淹於驥足同流王化謾煩千里之題輿
還筵從班式副九重之側席某性天不爽材地無堪
分隨太史牛馬走之塵濫登貞元龍虎榜之列未聞
吏事初試尉曹捶楚奚辭叨贊一同之治旃幪有賴
鼎依半刺之榮坐逃曠敗之虞豈有趨承之幸高山

仰德少償積歲之誠流水知音庶幾今日之遇

赴任上提舉啟

政仰賢猷久蜚英於槐市祇趨吏役行識面於荊州
顧為隸之維新知託麻之有自敬修尺牘用寫寸誠
恭惟 某官天所間生文之司命書讀平生未見學
參前聖不傳渾融天理於日用之常酬酢世變以時
中之義地嚴壁水表儀鼓笥之八千雲近蓬萊步武
去天之尺五果題名於雁塔宜促待於龍墀尚煩婉
畫之賓協贊中興之業旋斡一時之邦計總持九路
之利源惟地寶之不遺斯泉貨之有裕孔子嘗為委

吏下惠不辭小官公家之利無不為盡足國裕民之
要賢能之舉不待次持經邦論道之權某鈞槩腐儒
箕裘末學分隨太史牛馬走之賤濫登與元龍虎榜
之科初試尉曹未聞吏事居有面牆之患動多撻墮
之虞所賴依仁少稽曠職何其幸也獲披宿霧於公
堂又有甚焉願借餘波於畝地

赴任上教授啟

綰青絲之綸方愧塵埃之俗吏坐絳紗之帳乃逢道
德之真儒叨聯桂籍之名敬下芹宮之拜恭修尺牘
用寫寸誠恭惟 某官讀萬卷書通百家學粹然出

於正接游夏之淵源煥乎其有文爛卿雲之黼黻早
蜚英於槐市旋擢第於楓宸有光雁塔之題姑掌鱣
堂之教簪纓敬仰俱泰山北斗之高冠履從游有沂
水雩風之盛聊居領袖未究規摹士雖就有道而正
焉上念何相見之晚也渙乎甚渥起先生於齊魯之
間晉接維新致吾君於堯舜之上某筆膏易涸學殖
久荒偶濫竊於儒科顧仰攀於賢躅禹門浪暖雖同
比於魚龍莊海風高實殊飛於鵬鷃卑賤祇趨於吏
役尊崇欽仰於儒宗方跪聽於誨音敢僭論於年契
嘗憂駁雜類東方之不純師何幸趨承將北面而稱

弟子

赴任上教授啟

林儀卿

學業同門嘗服何蕃之義行宦遊有地將親定老之
襟期苟非黃緣曷為交濟恭惟 某官言到聖處文
有古風北海之掣鯨魚豈若看翡翠苔蘭之上長途
而駢騏驎無復顧駑駘島秣之間吾道得其主張多
士有所矜式孰謂廣文先生之官冷自許少室山人
之價高叫閭闔以排雲當受太守之薦上玉堂而有
日詎容嘲客之辭某窮不奈何仕非得已十室之邑
可使之宰未免不學之譏一卷之書必立之師願聞

排類大全

救失之教其為欣慕曷罄敷宣

辛未十一月十二日夜閱明鈔本校訖

聖宗名賢五百家播芳大全文粹卷四十三